

獐

園

繪園第九目錄

冥跡

陸文裕遊地獄

徐生遇預文康

黃生遇預文康

蔣輶錯名代死

應山秀才入冥

徐思省入虎頭城

朱總練遇金甲神

金鍾觀冥中事

穆御史判冥

王觀察誤入牛阜

南濠錢氏子還魂

謝家殺蛇被訐

比部郎奪官償算

徐文敏誤入鄧都

汪編纂入七皇地獄

泰山使者取人魂

二王秀才入冥

飲馬橋鬼魂

屠兒前生公案

倪鐸誤替楊司理

顧偉見地獄變相
姚大理冥中辨答
施秀才為冥中花鳥使
孫陳留三應冥數
連上人入冥

繪園第九

明吳會士人錢希言新譚

宛州尚書郎馬之駿校錄

冥跡

陸文裕遊地獄

上海陸文裕公子淵、諱深、死五日而甦、急呼家人取紙筆、登即記錄、因口授云、初死時、見妻挈環繞而哭、語音歷然、此身已忽坐堂上矣、有吏二人、口稱奉大王命迎相公、文裕不及訊、遽有數人舁輦車于階下、身不自由、遂升而行、其疾如風、行數十里、須臾至一所、若館驛、解字吏請相公換小帷車、文裕不得已從焉、又行數里、隱隱望見城郭宮室、俄而至大城、吏復

請相公下車步行、文裕謂我老矣不能行、兩吏使掖
之行、如霧、足不踐地、見兩傍皆市井、居民往來買
易、一同人間、有頃、忽達大王殿前、宮闕左右侍從威
儀、具如王者、凡經數重門、乃是大王所居之處、一吏
守文裕共立階下、一吏先入跪稟奉大王命、追到陸
深、王聞文裕至、整簪冕降階、盡禮傳呼甚嚴、已而延
坐、謂文裕曰、子淵不識吾耶、文裕仰視而對曰、莫非
昔年同季將肅乎、衆雜然呵責、王止之曰、此吾故人
也、無相驚、持肅、太倉人、九歲為諸生、是時文裕已知
十七而夭、奇才、與公同季、身死矣、悲感久之、告王曰、某在世間無大罪惡、不知

可後故人乞靈復返陽間乎。王曰：子測也。壽八十，因
犯三大罪，十二小罪，故減算一紀，極于六十八而止。
矣。奈何？時文裕年正六十八也。文裕不信曰：且請檢某算壽幾
何。若合命盡，伏聽處分。王遂召冥官，須臾一官抱案
入來，檢出捧呈王。王令送文裕閱罪狀。昭然，壽命已
減。文裕慙謝。王謂文裕曰：本司有二等簿，一黃簿，是
記縉紳學士祿壽，上帝為政，某不得而與也。一青簿，
是記士庶祿壽，此則某為政，或可增損其間耳。且上
帝有勅到某，故敢相邀，速令取勅來。須臾復有冥官
捧勅至，唱文裕罪。文裕再拜伏罪，取而閱之。龍文烏
篆，爛然黃紙中。因告王曰：某罪狀已不敢辨，若放某

回當勤行善事以贖垢愆也。王曰：帝既下勅，孰敢違忤？修補已無及矣。念故人之情，放歸二十日，處置家事訖，即來隨遣。吏送出，復令止之，云：請一觀地獄苦報，可言于世人也。吏引文裕遠近至十八重地獄，脩詣楚毒，與人間所畫變相無異。又盡見親友衣冠中之亡歿者數十人，呼之即諾，相與抗手悲泣。衆謂文裕曰：兄若不積罪狀，將若之位要兄代矣。兄今去速來，復悲泣而別。吏趣之行，二更疾甚，涉水不溺，信宿乃達黃浦，入門見已臥于床上，妻孥依然環繞而哭。遂驚寤，却後二十日長逝。馮觀察時可過其家，出公所記如此。

徐生遇顧文康

隆慶年間、蘄州閤門內劉家濱傳神徐生名珏、得病
暴死、經一晝夜、既殮、忽聞柩聲甚急、聽者驚走、其
妻子不得已、命匠工啟視、果活矣、久之始能言、曰、
初被人將去地獄、備見諸苦、不可尽述、最後至一大
府廳、事雄敞、護衛甚嚴、立珏于堂下、見堂上兩南端
坐官人、紫綬金章、形容貴倨、乃是崑山顧文康公弼
也、昔年曾與文康公傳神、公細認珏、驚而引之登
階、謂曰、若何以至此、待取文簿閱之、及檢文簿、年命
猶未盡、乃是冥卒錯喚同姓名人、公亟命放還、親送
珏從西廊下而出、見一人跪于地、以青石壓背上者、

荊門陳龍魏也。又二人，稱鉤摘背于梁者，清嘉坊張
豫及衛前陳懷國也。玆既別公，在烟中行良久，若有
人推仆之者，遂蘇，遽使推驗三家。荊門陳病吐血，清
嘉張與衛前陳則疽發于背，陳道復第三子柱說其
事。

黃生遇顧文康

黃生嘉玉，字同宋，吳縣人，名士，黃河水之子也。少有
膽力，好擊劍，善為詩，平生但嗜酒，不好女色，故年近
三十而不娶。萬曆中，黃生初喪父，憂居，其年郡城大
疫，忽染疫而死，手足僵冷，獨心頭微溫。時方暑月，家
人具棺請殮，祖母在堂，怒不許，使人晝夜看守。凡經

四日而甦、亦不能開目、又三日、目始開、索水漿稍
能視矣、又二日、是第九日、始能言、具述所經之迹、玉
初死時、無追攝、不知何人移置一曲室中、室有牖、夾
甚陰慘、竟無日月、初見已病軀獨臥于床、頭挂所
常佩劍、妻孥親故、無一人在左右、但有美麗女子六
七輩、逐陣而至、戲脫其劍而舞、漸來調弄、心甚忌之、
覺困憊中無力起逐、既去、久之復來、各一拋床而坐、
玉怒甚、彊掙起、拔劍擊之、並走入壁角中、寂然無聲、
忽奉頭見床頂上、無數黃紙傘、心計吳俗喪事、四旁
乃有此不祥之物、何為見于床頂、豈吾已游泉下乎、
愕不自勝、急尋出路、宛轉行廊廡間、始有門、外皆

曠野荒郊蒼莽無際且行且怖常誤蹈泥淖中約可
數里許忽有人烟村落伏望見萬城一座壯麗逡巡
到矣便入城內有通衢夾道皆市廛閭閻屠門米
肆雞犬相聞或斧薪或鍛鍊或飲酒吹笙絕無相識
但覓冥冥漠漠終不覩日月之光賈勇前進不知南
北忽聞官府來呵殿之聲甚嚴玉竦立路傍俟之侍
從威儀與楊世毫髮無二其前大僚先去容狀怪惡
不可仰視後復見一大僚在車上細認之是崑山碩
文康公鼎臣也文康與玉父有交五六歲時曾識其
面便于車旁呼之文康回首盼玉問汝何得來此命
吏挈之行既達公署巍峩如王家宮殿此吏雖許挈

行、棄玉門外、竟入署中、玉竊映門而窺、見惡貌大僚
坐第一席、文康坐第二席、相並陳設、若人間京兆尹
左右轄之官、玉心惶悸、不族其名、混于入叢中而入
隱身檐下、又見罪犯皆着單絞、露頂膝、行以進、哀啼
如沸、大僚閱籍、註罪、按十二生肖定之、勅云、某人合
與作牛、冥吏遂取牛皮一張、覆其身上、須臾出門、形
皆牛矣、某人合與作犬、冥吏又取犬皮一張、覆其身
上、須臾出門、形皆犬矣、惟婦人作蛇者多、而兩傍獄
卒並牛頭馬面、大僚問堂下安得有生人氣乎、並來
牽玉、持叉直刺、文康厲声曰、吾查簿籍、渠算且未盡、
速放還家、勅獄卒送出城門、既出、見牛頭馬面者悉

是假裝却却、依然人也。玉便與格鬪、被趕入一荒田小徑中、旁有大潭、水皆腥黑、卒推墮之、冷汗如雨、竟在水中起也。因此得活。

蔣鱣錯名代死

無錫縣鄉民蔣鱣、在家無病、白晝見兩冥卒、狀甚獠、將一帖子來取、鱣視之、因唾其面曰：「誤矣。」召諸子而諭曰：「地府所取者、乃蔣專也。」帖子中具載明白。鬼誤至吾家耳。且渠名是專、壹之專、吾名是鱣、魚之鱣。渠家住惠山寺前、吾世為懷仁鄉人、彼此何相干涉。汝速脩酒果香燈于中堂、召巫者來、為我虔誠上章、白見其枉于帝、兼市羹醪、速領取者二人出去。俄而巫

至乃三家村中小巫也初不依鱸所教章奏中畧無
宛轉但列鄉貫姓名哀祈請免而已章既焚有頃鱸
忽罵其子曰全汝辯白吾冤反證假成吾今代將專
死矣速治木無他言其夕遂卒後訪惠山寺前蔣專
竟亡恙

應山秀才入冥

湖廣應山縣秀才二人同志甚歡才名亦相伯仲一
日某甲無病而死息雖絕矣其屍尚溫家人未忍殮
三日閉目復活妻孥詢其所以搖手不言但問某乙
亡恙乎曰亡恙遽命取衣巾來著之召其子具一帖
予書姓名其上彊掖而出門詣其家乙方赴他約未

返也。甲在跪階下，家人望見，笑聲聞堂，無不以為狂誕。趣使人報乙還。既至，甲便擊額數四，乞命于乙。乙笑而謂曰：「吾與鄉椒蘭久矣，聞鄉死而復生，不勝喜躍。何求不得，而必拜懇如是？」因扶其起，不從詢所以，亦不肯言。曰：「某有疾，被錄仁兄主管人間命籍，欲乞判斷釋放。若能見憐，但賜一帖足矣。」乙曰：「安有是也？」不得已，遂索升筆，判帖上某人放還，并與增筭具。日月署名于後。甲便拜謝而起。乙拊掌大笑，謂其妄也。甲既得帖，却從容為乙具陳冥中事，且泣然流淚云：「仁兄將為地下主者，恐不久于世矣。某始死，即有鬼卒守押以行人煙市肆，儼若世間。到一處若大寮。」

公署卒欲引入、有一皂吏出曰、上官交代、匆、不遑
治牘、何不放還、以俟後政、某問後政何人、吏即稱仁
兄姓名、某大驚曰、此吾莫逆友也、吏曰果尔、今放汝
還、三日內索取新官帖來焚之、入冥罪可釋耳、某叩
頭致謝、敬當如教、吏遽叱鬼卒送歸、遂尋歸路、不覓
便活、乙聞其言大怒、無復致疑、急处分家事以待明
日、午、忽聞人馬聲到門相迎、遂與家人辭訣沐浴
冠帶如睡而亡矣、甲建醮焚帖、一如皂吏之言、後果
獲延年、楊給事漣親為余說此、

徐思省入虎頭城

常熟邵舍有徐思省者、文恪公雲孫也、其人力筆之

雄、萬曆改元、年三十餘矣、夏月詣縣、踐吏、受笞于令、
歸而病疫以死、後家人舁棺欲殮、捫其心下微溫、
遂置屍于棺蓋上、三日而後甦、具述初死時為冥吏、
二人攝去、行四五里許、悉是漆黑渾地、至一水潭畔、
天始漏明、前進、則城郭宮闕在焉、訊之、即閻羅天子、
所居也、冥吏將思省至階前、階下跪、却傳言用刑有、
獄卒數人、皆牛頭、夜叉之形、押到一大車輪上、其狀、
若人間牛宮水車、週遭浴鐵數重、皆刀劍也、先已反、
接三十二人在、思省至、又增一人、見四獄卒用長鎗、
騎角其外、盤旋磨轉、身從刀尖割過、痛楚萬狀、骨肉、
消落、頃之復起、報命殿前、便傳言付獄、乃一大城、

子榜曰虎頭城、四圍皆鉄柵、藩中四百多人在焉、思省問何時出、衆譁而笑曰、我輩處此、不知歲月、汝新死人也、乃思出頭日耶、思省曰、吾父母妻子俱未了、安得遽至于此、言訖淚下、悲不自勝、見鉄柵之外、有男女若干人、白衣巾帽、或髻或總、一如世間服飾、往來于外、自若、思省乃私語同獄者曰、此輩何以不付獄乎、曰、此世間持齋念佛人也、安得有罪、非久託生善地矣、徘徊嗟嘆之間、忽遇棹花李王過獄門、外見思省、遽闌入、與相勞苦、謂曰、汝三世住河洋、供養我于家、廟中香火不斷、我忍然不為之援也、徐而挈出、守者有難色、李王怒而叱之、既出獄、令思省

止于殿前、李王入殿內、食頃而出、曰、免矣、放汝還世
間、將復有十七年陽美、以萬曆十五年二月十七午
時死、汝宜勤心為善也、給與一符記、即命前所攝二
冥吏引歸、仍至水潭畔、推墮之、遂活、視其身、偃臥在
棺蓋上耳、由是傾家奉佛、持齋者一十七年、至萬曆
十八年二月十七日、延善侶作佛事、日當午、忽中惡、
嘔噦倚于檻蓋而卒、其日會中有一人不至、翌旦、此
人親見思省、帶皁羅帽、着藍袍、方鵠相遇于途、謂曰、
汝昨何以不來念佛耶、修行是世間第一事、汝夫婦
宜力行、云言訖不見、過其家、具述所遺、衣飾、死是棺
中所殮者、一市人皆信佛法矣、

朱總練遇金甲神

四年前、李上饒之戚朱大任、為鎮江總練、病熱而死、家人移置于榻、四肢已冷、獨心下如蒸、環守之、三日、乃蘇、語其婦云、冥司將某徧視地獄、種、諸受相、及善惡報應之事、無不歷矣、忽遇金甲神人入門、見謀主者、怒始解、索簿籍按之、却云、此人數尚未盡、誤為怨家牽引姓名、乃逮及耳、可速放還、神人遂推某仆地而寤、冥中所見神人、儼然關壯繆侯也、蓋朱平日奉事甚恪、嘗設像于家、為先是其婦夜夢聞神語云、吾當往救汝夫、李明府生平不信泥犁之事、朱至、具說如此、李為悚然。

金鐘觀冥中事

徽州休寧人金鐘、為縣秀才、以事誼誤黜去、遂家于楚之京山、善入冥觀冥中事、人欲知父母妻子亡處、則必倩之往、通信問冥然若睡、或一日、或二日、三日、家人不敢驚其魂魄、及寤、談及地下、歷々如見、聽者莫不流涕焉、一日鐘忽謂京山友人曰、吾昨過閻羅天子殿前、見其案上一簿籍、將徽州太守胡公休寧令丁公姓名、兩筆勾却、此不知何說也、友人曰、子妄言若此、不慮患乎、鐘曰、此地去新安二千餘里、何從聞之、其年大計、二公後先罷官、楚人於是驗金生之言不妄矣、生至今猶在、

穆御史冥判

楚黃岡縣穆天顏、號象玄子、秀才時、嘗入冥為地下
閻羅王、蒞任之日、鼓樂騎乘、迎導如世間威儀、九殿
閻羅咸來會席、其形狀可怪可愕、穆心凜然、有吏在
傍私語曰、相公莫怕、恐失觀瞻、穆一日治事于堂、見
所解囚犯中婦人形貌、死然親姑也、穆令近前認之、
毫髮無誤、遽令放還、及寢、謂家人曰、姑家得無有恙
乎、往視之、其姑適病寒死、氣且絕矣、中夜忽蘇、亦方
語其兒曰、吾與數人同被勾攝至地府、錄對、見堂上
坐一官人、細認之、是穆家長哥也、放我還陽間、汝可
詣謝、語未畢、適穆家人至、叙話畧同、如是者八年、或

半月或一月入冥治事畢復還其家了不為異後有
代政者遂絕不往穆登戊戌進士今為名御史

王觀察誤入牛皐

吳興觀察王公豫一日病熱死見冥官發入牛皐中
令託生為牛遂有兩夜叉押王入皐穢汙狼籍惡不
可忍又見欄外挂牛皮數百張訊此何用獄吏笑云
請尊被其一向人間作老牛耳王大恐念何由得免
此惡業當修行善事懺悔垢讐忽牛皐之西有小穴
其竅如斗大光若皎月王即^倏俯身而出吏跡之不及
遇一白衣人坐堂上問王亦懺悔過乎王俯伏階下
叩頭乞援白衣人遂引之數里許指其歸路謂曰汝

從此歸尚有陽壽若干年、但不可忘修行念頭也、三
日始甦、猶未強、從此舉家奉佛、專行善事、至今猶在、
親向人說此因緣

南濠錢氏子還魂

南濠錢孝廉仲第二舍士完、萬曆癸未病死、後一
月、其叔弘先為名匠、所居鄰並家有故蒼頭壽郎者、
偶行社壇上、白日遇城隍神、儀衛甚嚴、具如太守、乃
見二舍于後隨行、忘其死矣、因問向居何處、士完曰、
我憶念家中、方欲往看、羈魂不寧、無所栖託、今欲假
子之身暫附而歸、可乎、壽郎許諾、便轉身還家、入門、
主人呼之不應、叩其故、壽郎曰、我錢二舍也、叔氏應

呼我為姪。今將歸吾家。已而言動。非壽郎矣。弘先駭而叱之。使人守護。便從隔壁呼其父母兄弟來家辨認。語音奔止。信二舍也。酬對如常。歷然可聽。詰其家人姓氏。至于小名排行。及生平隱事。一一皆知。索平居所著巾幘衫履。衆便檢與着之。晝則相共談笑。夜深乃寢。飲酒啗肉。擲色行令。悉無異于生時。但數欲呼其婦與相見。孝廉堅持不可。竟拂其意。咨嗟者久之。每竊聽其婦帷中哭聲。私自掩袂嗚咽而已。又能道幽冥中事。及親見所亡過中外親識之人。現在某處。陳說罪福苦樂因緣。聞者泣下。若聽雍門之琴矣。吉凶休咎。言無不驗。以是遠近愈惑之。互來訪問。事

如神明衆問修行人亦受地獄諸苦乎曰持齋戒者
死得樂報處于淨業堂中無所苦也名臣孝廉素不
信果因之說意為妖怪所馮心厭惡之驅遣無策如
此一月有餘完語其家人曰天曹命我為雷部神已
為我娶城東某氏之女作配明日夜半聞馬聲至吾
其行矣爾日伺之容色慘然抵暮忽與父母兄弟拜
別反闔其戶而寢中夜果聞門外有馬蹄蹴踏已又
聞其聲隱隱向空而滅衆取火啟扉視之中幘衫履
皆委于地若蟬蛻然神已去矣但辮髮作牛角如舊
宛然故蒼頭壽郎也衆聽喉中忽響便復蘇活壽郎
活後精神恍惚若癡醉人三日方能言衆推鞠之具

說本末云二舍令某代役地府幸腰下解一小金牌
與某作符記某當初死時兩脚甚捷超走如風東衝
西突者凡三日夜悉在深谷曠野斷砂荒磧之中足
力憊矣適遇一冥吏投臂止之驗其所懸之牌是真
乃收訖引入空城子內與諸人共住粗給飲食亦無
驅使某惛然迷亂者經時不知何緣復活自此壽即
戒絕酒肉從師披剃出家子慧慶寺法號東明和尚
數年而終余猶及見之為後訊城東某氏之女其家
驢磨為業亦以是日死矣乃知宣室志幽明錄所記
借屍還魂之事種々不一非寓言也按稽神錄載番
禺村女為雷師所娶將至一石室中親族甚衆昏姻

之禮、一同人間、姊呼其婿為雷郎。

謝家殺蛇被訐

吳江謝甲家世行善、其年元旦起、見蛇橫井上、心訐以為不祥、家人爭共擊殺、謝禁之不能止、三日後、謝即暴死、見地下主者、如閻羅王狀、叱曰、有人訐汝以人命、謝曰、某平生積善、未嘗有殺人事也、王曰、非人命、即物命、有之乎、謝曰、有之、歲朝卜一年之休咎、今見井上有蛇、命為不祥、故見殺于家人、某亦嘗力禁之、非其罪也、王召蛇至、謂曰、汝即死于非命、奈何以一善人償之、呼判吏檢其籍、尚有陽筭十八年、王曰、地下一日、人間已是半月矣、求即求歸而故宅已

壞將如之何、道異卒暫送至河南某府某縣范家託、
生為累、了十八年之數、謝固不肯行、云某有父母妻
子未了、寧死于家、不願受生范氏、判吏復為之跪稟、
王于是命急送還家、既甦、猶未殮、終半月、家人為其
心頭肉、煖而微動、故待之、其人行善如故、至十八年
竟無恙、又十八年、壽至九十一而終、乃知人壽有可
延之理矣、

比部郎奪官償笑

有比部郎某者、中于讞、無罪而挂之吏議、歸數月矣、
夢一人告之曰、君當子貢之年、比部曰、嘗聞端木五
十六歲、余今五十四矣、其不久于世乎、更數月、又夢

一青衣人持虎頭牌召之曰、帝有命、可速行、追隨至
一公辭、若王者之居、青衣人止之于門、見有冕服而
坐堂上者、呼使入、賜之坐、謂曰、子平生正直、而以諛
構奪其官、吾將以壽償子、更為注陽羨十年、黃陝州
云、此公尚在、

徐文敏誤入鄴都

正德初年間、吳縣人徐文敏公縉、為翰林院編修、
冊封琉球、因還過海、颶大作、樓舡飄泊一磯、嘴上人
煙斷絕、道路蕪蒼、不知何地、凡經七晝夜矣、文敏久
在舡間甚、頗思間行、遂命一小史相隨登岸、行百餘
步、遙見孤峰秀出、其下隱々、有城闕宮殿之狀、文敏

歎窮其跡，猛力前驅，入一谷口，約行二里許，竟路漸低。俄及大石牌坊下，榜有金書三字曰：「鄴都界。」文敏震驚，心訝其非世間。遽轉身趨出，忽遇青衣女子提筐于小徑中來。文敏潛視行止，乃是二十年前亡婢榴花也。驚問：「郎君何得至此？」文敏曰：「吾已登進士第，為翰林官，因奉冊封差南還，舟遇大風，飄泊于此。七日偶來遺悶，不虞誤入冥中。汝今住此，何所為耶？」視其狀貌，依然為女奴時。未嘗老也。榴花向前告曰：「妾嫁此中一判官為妻，日來餽食，何期幸遇郎君。已而判官適抱公案出，怒其妻曰：『汝與何人交語？』曰：『此妾舊主人徐公也。』啣王命渡海，失風至此，安得不與叙。」

舊判官便向前拱揖、問姓名、知是徐縉、文敏請檢祿
命如何、判官曰、相公後至天官侍郎、不及入閣、無勞
閱簿也、文敏曰、某既來此、可得一見閣天子、問其中
事乎、判官曰、既有意、何不可者、請修十刺、以通姓名、
某敬為之、將命矣、時倉卒無脩、判官遂出素紙十番、
教文敏親書官御姓名、如人間、恭謁禮、將引而入、榴
花數目、文敏而誠之曰、茶至、即傳通左右、慎無
妄嘗、文敏唯之、凡經橋梁亭館數處、乃至大殿、甲士
守衛甚嚴、刺既通、有冥吏二人、開西院門出迎、引文
敏自西階而上、十天子止九人、披袞垂旒、次第降于
東階、又如人間賓主禮、東西列坐、文敏坐南、東向西、九

天子坐西向東、茶至、文敏傳遍去、訖、便問、常見人間
塑十殿王、今何以缺一殿王也、曰、天帝使杲等每日
更番一殿察人間善惡、往來南贍部洲大明國中、故
不在耳、問、陽世尚貪利、喜奔競、阿附成風、黃金為政、
不知地下亦如是、否、杲曰、冥中若同陽世、何以握生
死之權哉、至如以金塗錫、以紙作絹、亦是餓鬼所須、
正直明神、不藉此矣、曰、僧道功德為有益否、曰、無益
也、惟拜梁皇寶懺為最勝、亡者一聞懺言、便超度去、
矣、曰、此行可一觀地獄乎、曰、可觀、未免驚恐、文敏再
三強之、乃引至一犴徑前、皆用青石甃成、上為雉堞
之形、其高插天、呼獄卒以兩手拽開石門、中有炎火

飛出焰赫然光數丈、文敏大怖而走、急使閉門、天子曰、此無間獄也、言訖、遂回至院、謝辭而出、判官仍遂之抵界上、尋路登舟、明日遣騎人往跡其處、周覽四隅、無非榛棘、城闕宮殿都無有矣、文敏還朝、語其事于賓僚、無不竒歎、後果為吏部侍郎、予告歸、吳不勒修善、疽發於背而卒、是時吳郡守往京口、遇官舫南下、訊之、答云、奉勅腰斬徐侍郎也、

汪編纂入七重地獄

蘇城飲馬橋下居民汪國昂、編竹為篋、抗人呼之曰汪編纂、萬曆壬子年二月、病疫而死、第四日乃蘇具述其事于鄰人云、初死時見冥卒一人、用赤縷縛去

如從陰厓暗谷中行、不覩天日、至一處有井、傍有
籃、咸之而下、見第一殿、王將某拷掠畢、復送至第二
殿、並從井入、漸低漸深、展轉傳送、直至第七殿、深無
際矣、拷掠如初、傳聲將某送至轉輪殿、受形為畜生、
某苦告求還、見王檢閱簿書、默然良久、便云、賜銀三
十兩、量延一年、被前冥卒牽出、不由舊路、徑到大海
岬、推墮洋中、便活、汪、小人也、既活、不肯勤儉、反改業
為縣門幹力、鬻父所遺居得二十五金、又指人先後
怡得五金、首尾一年、果以癸丑二月某日復死。

泰山使者取人魂

王御史有功、內兄查敬廷、嘗話其親戚中一婦人、臥

病經年淹纏牀蓐、忽夜夢有黃衣吏持一布囊至、囊中先有一合子、云吾是泰山使者、特來錄汝神鬼、無他也、解囊啟合、取婦人魂合之、結束其囊于背、負之而去、明日、婦人病遂劇、越三日乃卒。

二王秀才為冥王

長洲縣甫里村、有秀才兩人、皆姓王、一名憲章、字以度、一名炳勳、字子元、同姓同里同學、相善同弟兄、不同族也、萬曆己亥、憲章有疾臥于床、不能起、至秋七月、炳勳亦病、經少日、恍然如夢、忽有兩青衫人領去、夾扶其身、徑將東行、不知可幾里、至一曠野、見公廨如人間、都御史臺猶未開門、訊之、領人曰、此陰府

也。府場上人煙湊集，車馬馳驟，但陰霾蔽天，不覩日月之光。回顧有一術士，設帳談子平五星。炳勳便詰甲子與看。術士曰：「君命盡于閏年，必過不得也。」炳勳誤聞為壬，問曰：「某今年四十有七，若到壬子，只數年事乎？」術士曰：「猶恐目前難過，非有大陰功，上帝不能為君增筭也。」酬對未畢，公辭門開，引入者凡數百人。炳勳亦隨領人而入，俯伏階下，不敢仰視。見臬官坐廳，事畢，東偏戴金冠，衣黃袍，有吏數十輩列其左右。以次呼囚犯名，問閔至。炳勳便降階扶起，已而延坐。謂炳勳曰：「良友何須行世間苛礼，端相其狀則憲章也。」曰：「一別不覓幾月矣。」炳勳曰：「人皆以死為苦，如兄

貴為王公、雖莊生所云南面王樂、豈是過哉、不知何
修而得此、憲章曰、談何容易、某與玉皇香案吏一人
往、有夙緣、得毋立為冥王、兄將來與我同升矣、然裏
面尚有閻羅天子之尊、總司冥務、標冠戴、瀆我輩皆
其所節制者也、因命左右取章服與炳勳服之、其時
有一緇衣一黃冠至、與憲章揖、不禮、炳勳、炳勳私計
此二人、豈即人間所稱五方座上巨阜與白霍然觀中
仙官之類乎、遂問天子殿前相見之禮、若何、憲章然
良久曰、兄是犯人、還須囚服對簿、且不宜僭用此品
服也、復命左右將一寬大青衣蒙覆其骸、用皂帕抹
額、頃報殿上開門、仍著領人引入、又經數重門、則宮

闕觀我、槍槩羅列、文繡炳煥、金碧輝煌、天子端冕南向而坐、官吏環侍西、案近數百人、各齎文書、請天子判署、同入而俯伏者、炳勲居三、其第一人泣告曰、可憐客死于途、妻子不得相見、第二人亦泣、於是炳勲不覺悲感、淚下如雨、厲聲而呼曰、某一生為善、止直無私、天子大怒、罵第一人曰、是你哭起、衆人皆哭、叱手力齊手捉下杖之、未及行杖、手力捉炳勲、不完先捆其腰一下、痛而驚、竟腰如折矣、既竟、病良已、不告憲章、詰其夢于友人李中軍、成龍、成龍取紙筆疏其語、遂為好事者傳播于外、憲章稍、習聞、至八月終、憲章病且加劇、謂其友曰、子元有夢、而祕不我告、何

也便召炳勳至榻前苦詰之、輒為具陳顛踣、憲章笑
曰、既有侯王之貴、寧復以幽顯為恨乎、至九月初十
日、呼湯沐、具衣冠、臥于榻、是夜甫里村民咸聞空中
有人馬聲、珮若甚雨、自北而來、直入憲章之室、有頃
憲章卒、又聞其声隱隱、向北而去、自是人皆惜憲章
之才、而異炳勳之夢矣、無何十月下旬、長洲縣錄科
舉炳勳就試畢、倉皇出葑門、暮于子城內遇惡少年
乘怒馬、奔突入城、馬首正中炳勳之胸、顛仆于地、僮
僕掖而登舟、嘔血數升、至十一月十五日、相續而殂、
推驗其年已亥、是閏四月、術士談星于地下、豈非妖
徵之先見者乎、至三十三年乙巳、凡經七載、兩王君

之墓木拱矣。秋七月，成龍家頤貴染疫猝死。後三日而蘇，告其主人曰：「某被人追攝去，路經一獄，門封鎖而有竇，無異陽間。瞥見王炳勳官人披麻着孝，在獄門內問某何得來此。某對曰：『有攝人將某而至，不知何素王。』」吾掌簿籍，知汝世壽未盡，當是錯追。我亦因誤錄一縣令，故有誦事。三日後限滿出獄，上帝仍許復故職矣。因謂攝人曰：『何為濫取？』遂放彼還。臨去，呼某為恩，慇懃語曰：『有一小孩子，為我方便帶歸。』即于獄竇中通出紅衫孩兒，與某抱持，某隨路而還。將到家，經王官人門首，見其小新娘子映戶而窺，懷中兒亦忽驚啼，便交與之，方入戶，不知何推却得。

活時二更初矣、喚婦全起燃火、而貴方雨汗交浹、成
龍聽話歷歷、不覺大驚、明日凌晨王家遣女奴來報
曰、昨夜小新娘子免身生男、相煩轉乞匡家一服化
毒丹、其時炳勳之繼母初死、終踰首七、故冥中亦著
凶服也、按梁清傳云、鬼有叙帛、不異世人、豈虛語哉
成龍因以德祖名其孫、今漸露頭角矣、炳勳家故貧、
凡喪葬嫁娶之事、悉成龍為之經營、吳中孝廉俞琬
綸、故炳勳門下知名士、亦高脫駢之義焉、

劉秀才入冥

長洲縣吳塔村、有劉永清者、頭于名場、以老年六十
病疫而死、二九日、背肉已腐、復甦、自述云、死時方熱、

極發狂不知身在何處。見冥卒二人、身衣黑、持帖子來攝、冢中陳設羹飯祭之、視其嗽飲、不異生人。烹畢便攝去、將至岬側、呼一小舟、寄載舟中、出帖子示清。為旋風忽捲、野火燒却、遂不及覽。俄而水勢滔天、舟欲將覆、二冥卒督促入水、清有難色。卒云、我二人先入、君尾其後可也。不覺隨之俱入、身在水底行矣耳。畔但聞波濤澎湃聲、約數十里許、行至大石橋、甚陡。二冥卒復通行、清股栗不能上、二冥卒掖而過之、驀見曠野無際、陰霾蔽天、又約數里許、始近城郭、引而入城、被捥其領疾馳、至一公署、大闕、廣殿環衛甚嚴。令清跪伏階下、見堂上坐者、冕旒端笏、兩旁侍從數

百人、具如吳城玄妙觀東嶽廟中之儀、有冥吏西向、
立閱視名簿訖、唱云、無大罪惡、發疾疫司聽勘、二冥
卒即押之出、既出、見門外一囚、蓬跣着枷、急呼劉官
人、清徐視之、乃郭吏部家監奴小周也、小周云、官人
出此門、便獲亡恙、仍歸陽世去矣、到家煩為白某妻
子、檢簾箱中文券十三紙、可速焚之、某為此公案未
明、受諸罪苦也、俄見數小兒相率嬉戲、中有熟識、迫
而察之、乃是女紅新婦之子、某孫、清平居所鍾愛者、
以瘞死月餘矣、俄又見清之祖父、母、衣冠儼然如
生、並在一空室中、驚謂曰、兒何以至此、清具陳其追
攝之故、清祖生為御貢、今在冥中、亦有職掌、聞發司

以歡喜曰兒年命未絕若發疾疫司我當為兒周旋
徒末減釋放矣二冥卒促之行洎里引至一曹司見
文書山積吏胥鼎沸堂上二大僚偶坐如人間左右
方伯狀搜尋名簿閱訖却謂清曰指大雖無罪惡間
有小口業量罰瘡瘍三年右者曰太輕左者曰念其
祖薄分恕之叱二冥卒押放還家遂被扶却出城但
行如馬駛都無所知恍若夢覺清後果病瘍三年復
享壽二紀而卒里人顧植與清善見其傳說云尔

飲馬橋鬼魂

長洲縣郭秀才家住府治東飲馬橋南里人呼為郭
出糞萬曆二十八年八月內有販人十餘輩常于夜

半挑空擔出葑門外、販鮮魚入城零賣、路經飲馬橋、其夜籠月依微、忽見有男子三人、帶兩婦人、婦人手
中各抱一孩子、共大小七人、披枷帶鎖、一齊上橋、小
憩橋欄邊、販人驚謂此時尚早、何緣放罪囚出獄、不
明何業、既去、凌曉販魚而還、郭家被里舍惡少夜半
出捉蟋蟀、誤將紙燈煤塞籬壁中、隔籬悉是藁積、延
燒臥內、廬舍蕩然、死於火者三男子、兩婦人、又兩孩
子、共大小七人焉、始悟夜半橋上所見者、即鬼魂也、
其後七人魂入惡少之家、晝夜為祟、依附其家男婦
孩子、索命不絕、未及半載、惡少無病而殂、戚伯堅說、

屠兒前生公案

吳縣西山梅舍村民顧甲、屠猪為業。萬曆己酉年間，
白晝被兩人攝至東嶽，發山陽縣審。有群猪來索命，
縣官曰：「且無暇理現世人命事。」汝前生非鄭汝弼乎，
殺人公案，犹未結也。召訟者至，姓王對簿于庭。訟者
曰：「汝怙勢凌人，欲污吾妻，不從，便抽刀洞胃以死，冤
憤百年，為證人不到耳。今到，可償吾妻命也。」官遽追
集證人，證人對詞含糊。官因召冥吏檢籍視筭，報曰：「
筭未盡。」官乃判案云：「審得鄭汝弼係鄭尚書之子，倚
勢淫殺，理或有之。但凶器無存，干證支吾，况年代既
殊，姓名各別，姑俟筭盡，併追完卷判訖。」命吏高聲誦
之。凡三遍，問顧能記乎？曰：「能。」于是放還。顧既活，素不

識字、口授其文、筆之于書、傳于遠近、吳嶺黃習遠說

倪鐸誤替楊司理

嘉興縣楊鐸字斯覺、擢萬曆庚戌科第、司理吉安、尋以病改教、至癸丑之歲、年六十矣、復患癘、下不止、決意求歸、當路卒遂其請、楊少慕釋教、嘗持戒、菜食、至是抵家、病轉劇、自以必死、與家人訣別、而擇中元日延請至行沙門、大設佛會、強掖于佛前發誓剃度、為僧、髮祝未半、而夫人出閤、遂中止、其半犹未祝也、不意是日有追攝鬼使在門、聞經唄聲、不敢入、適對門鄰人倪鐸、酤酒為業、忽詣楊宅、見緇流作佛事、笑謂其左右曰、人生固當死、佞佛何益、薄命貧苦、貴人能

料理吾家請以身代衆皆嗤其妄言：未畢出遇鬼使現形直前持其袂收縛之云奉命追楊鐸今其家供養圣容鐸又祝髮我不敢近幸汝同名却肯代死何容推諉便請前行倪身總入門魂乃隨去：時果迴顧其妻大呼云某命未合死與合死者楊鐸同名一時失言為鬼使捉替曲相羅織卿湏守尸過七日却後燒化勿令參差語訖便死其夕楊夢一比丘至撫摩其頂謂曰君有生象湏晨起聽好消息至也及明楊起令奴扶出醉遇倪妻縞素而入具陳其事楊私喜曰如是我何惜斷除煩惱障永復命僧祝其髮半為明日密賻四金趣令殮棺燒化更無外人知至

第七日、是七月廿一、倪果被諭放還、覓尸不得、繞室號呼、怒其妻曰、與卿七日為期、何不少待、今楊鐸為僧、別遣從僧中攝取矣、我婦又無宅舍、飲恨如何、隔二日、楊竟亡也、倪家至今叫喚不絕、百日如常、曰、身在何處、還我來、同里包衡見而述于吳下、

顧偉見地獄變相

常熟縣居民顧偉、以匠業寓郡城之崔橋、謹享知名、萬曆癸丑夏、篤病旬餘、至五月三日、陡然起立、合掌而逝、人咸謂其善終、下屍于地、心頭氣暖、眷屬環聚守之、越三日、復活、開目求飲食、便能起坐、說初死之時、不聞鬼使追呼、冥然若夢、忽親覩觀世音菩薩真

形如今虎丘寺中行像、而身更廣大、儼然從空中下也。偉便頭面作禮、隨行至一處、見紫石城一帶、石色如磨盤樣、仰望峻極、不見女牆、城傍多有小圓窓、約可徑尺、亦漏微明、徘徊之際、遽失菩薩真形所在矣。傍有一婦人、年可五十許、上著青袂、下服白布裳、道貌端莊、手持宝珠、當前而立。語偉曰：「凡人去來、必須此窓中出入也。」偉下拜祈之曰：「何有尔許大孔容、某身出入其間耶？」婦人曰：「既不肯入、且將汝遙望。」言未及竟、若有人掖之上者、偉望見有數重門、戶瓦屋彩樓、一大圓鏡安在高臺上、鏡光瑠璃同澈、明照數丈、相望如月、纖微畢陳。婦人曰：「凡人善惡、隨心所現。汝

一生罪福、安能逃此鑑乎、引偉立鏡前、忽覺身在鏡中、從前隱穢、一切歷歷、懍然喪膽、不敢仰視、而從旁隱隱露出善果二字、偉心稍安、又覩黑丸子數枚、如龍眼大、掩映其內、偉怪問何物、婦人曰、此是汝陽世未了公案也、俄而又至一處、見大地皆作黃金色、望之燦然、如積麥薪之狀、中間徑丈洞穴、類井形、其深不測、未詳下何物、婦人曰、汝去不得、曰、是何地不可往乎、曰、幽途苦相、其交無窮、汝欲下觀、切莫忙怕、因偉蹋梯而下、其梯長可數十尺、既下、以手摸城垣、又皆黃石側甃、鱗次葺之、極細密、如人間走花砌、孰然徧地漆黑、偉疑是黑暗地獄矣、又至一處、見囚徒數

十人、或枷或鎖、或鉗梏、或露髻、或無頭、或無腹、或無手足、或缺左股、或缺右股、或瘡爛濃血、或肢骸不完、而皮肉皆好、然並是活者、已又至一處、見徧地人肉塊、形似冬瓜、無頭、手足若大若小、旋轉不定、已又至一處、見長短棺槨、堆積空屋數間、已又至一處、見人形如怪獸、胸前一聚皆猪毛、有婦人胸生六乳者、形骸多欠缺不完、二者約三十許輩、則皆童子嬰兒、偉至、相顧有喜色曰、某等無罪、恣意游行、今無了期、不如隨君共尋歸路矣、指向所積棺槨處、皆其屍也、偉四顧陰慘、心生愁怖、便與童子嬰兒、以手相引而出、歷南大道二百餘步、寂無人跡、轉覓舊路、已非

祢望皆水前所遇青襖婦人不及見所引童子嬰兒
亦不見停立少時忽復有了角女子從地踊出批菜
就水邊洗遙見偉立拱手一推雨汗而甦。已次第
經種二地獄次相奄然都滅鄰里聞之競來問委荅
叙如前口授不悉因條記今末以傳遠近發願菜食
長齋供奉三宝先洗梁皇慈悲懺一部。

姚大理冥中辯荅

明嘉興縣大理寺：丞姚思仁久居憲職望積蘭臺
萬曆壬子年春謝病還家常于夢中見人索命至六
月間似夢非夢見一使者齎板來召姚倉卒間整冠
束帶着公服徒步隨行所經歷處與世無異恍惚至

一公署重門廣殿丹碧炳耀俄有藍縷思狀之鬼十
六人椎髮弊衣面目盡血相隨紛闐有聲叫屈稱冤
漸來加逼姚問何處人曰山東人也昔枉見殺從公
徵命姚乃面南而立叱曰吾職奉代巡決錄重囚皆
監司守令定罪依而行之何與于我言訖群鬼稍
引退聚于門外相守如故使者引姚入丹墀見冥王
着衮衣坐堂上林几案褥翼侍森嚴姚乃升階長揖
王不為動姚心知其非陽道矣然氣固不挽從容告
曰未委君侯召見之旨王曰罪俘多也今從汝乞命
者不可勝數姚曰思仁生時積善好修歷官二十年
未嘗枉濫一人妄殺一命安得有乞命者乎有之是

誣陷耳。王呼主吏檢按文籍云：可開簿檢其罪福也。有頃，黃衫吏捧出大葉子簿，黃紋簽標，開數幅至思仁款，乃唱曰：無大罪，亦無大善。王曰：誠然，何有尔許冤對耶？此曹當是受枉于下僚，而卿不與之申雪耳。姚曰：思仁奉天子命巡察四方，知有三尺而已，其枉與直固無容心也。于是黃衫吏出，向門外藍綬惡狀之鬼前十六人者，一一諭令且去，當別為料理。俄而遂散。姚乃進曰：平生有過，不蒙見遺，平生作善，不蒙見錄，豈冥中亦無公道耶？王曰：何謂也？姚曰：思仁昔年採訪河南，曾請朝廷三萬金賑飢所，全活民命以數十萬計，厥功頗不大歟？王曰：此吏部郎賀燦然事。

非卿之力、勅主吏再呈功德簿與看、見側注其下云、
燦然功九、思仁功一、姚曰、爾時賀燦然為行人此疏、
雖其起草、然上疏者、實思仁也、王曰、汝初無意、乃燦
然勸之、何勞說此、姚曰、思仁自河南復命上此疏、萬
一聖怒不測、罪在思仁、燦然豈得而與哉、王聽其辭、
輒遂出位抗手而言曰、卿言有理、如此則功過亦略
相當、卿與賀各載其半矣、因謂曰、候交代時、當更議
也、然卿祿筭尚遠、可速放還、連催主吏、遂被前使者
推却出門、初似墮層崖、少焉如睡而覺、初賀小選、燦
然在大行時、奉使入洛、與姚同里至戚、當姚行部之
日、邀賀署中、從容譙語、賀曰、卿為繡衣使者、報命闕

庭能忘嘉謨之獻欤。姚曰：固也。竊嘗計之，無便宜可請者。奈何？賀曰：以歲之大侵，流亡滿目，誠得請于陛下，發御府金錢賑之，所全活亡筭矣。言無善于此者。僕行李之役未畢，有志從事，而尚未遑也。因出袖中疏牒示姚。姚讀既訖，遽細諸已袖中，尋即錄其牒以奏上。如冥中所記不差。至是得活，自言辨荅辛勤，不可具載。遠近皆聞，包衡、金枝等說大畧相同。

施秀才為冥中花鳥使

蘓州府學秀才施安弦，字吉甫，住城西日輝橋轉灣，為人坦夷，胸無城府，鬚眉飄然，雅有飲量。萬曆甲寅安弦年四十九歲矣。三月十六日，右腿忽患濕毒，流

注徧身浮腫，臣言毒宜解，不宜潰。後竟潰，下黃水數斗。合宅皆聞，酒臭浮腫，雖平色已不起。至五月初四日，忽召其二子萬邦、萬年而語之曰：「遠行之期，在今日矣。」速營後事，須臾神漸索漠，少時而死。至宵分，忽翻身復甦，急索參麥湯飲之，畢驟能起坐，說死時有八十騎擁門相迎。一吏持版云：「天帝召去。」為花鳥使，因問吏何地，答言初點福建，後乃改北直隸。問吏職事何如，答言務甚劇，所司花鳥有二院，手不停批，榜掠無數。問答既已，先行至一處，是大公署，暫停其下。見有人持出金冠蟒衣來與安弦着，安弦既着，升堂坐定，尋思兒時使思仕宦，今齒將半百，老作寒儒，死

乃得為陰官、亦復何恨、但念人間事都未了、妻兒親
舊、俱在吳下、北行路遠、舉目無親、豈可妄受此職、即
批案、修疏辭謝、封付來吏、脫金剗、投擲于地而起、忽
見後堂突出黃衣老翁、以頭向安弦胸上一撞、幾踏
于地、就視、乃先君也、讓安弦而罵曰、地府之官、權位
甚尊、且上帝所命、汝安得辭、吾方出苦趣中、與汝母
住此相待、今一旦辭職、徒重父母之罪于汝安乎、言
訖、悲淚、又語安弦、汝既不便之官、可乘此暇、往鄴都
一觀地獄、真相、還語于世人、也、逡巡有人引安弦入
鄴都城、中其地黑暗、無諸日月、但見數萬罪囚在地
獄中、悉受苦報、刀山劍樹、火坑鑊湯、宛轉呼號、晝夜

無息主。鄴都者，稱是韓公，不詳名號。如陽世都憲之職，安弦似曾識面。因煩贊成，辭疏韓公欣然首肯。令安弦且暫還家，由此得活。其夜楓橋周大來，安弦舊主人也。亦夢安弦車騎詣門，辭別說北行赴任，未知辭得脫否。兼就其兒索所借後場文字付兒萬邦收讀。明日端陽，大使來使兒入城問先生病，參語夢兆曰：無之。苦懇總言兆狀，駭與父夢相符。至初十日早起，安弦忽向二子說：冥使到矣，辭疏似不下也。如何。至十六日早起，安弦又說如初。惆悵自責，因云：辭疏奏聞，不合。嬰觸帝怒，幸遇崔上二仙，我隨至其廬，都非人境。拜求方便救解。一仙不顧而入，一仙已諾我。

笑問二仙姓名、安弦搖手曰、不可、但說記得堂中春
帖子一聯、速呈紙筆、吾當書出為驗、安弦平生不喜
聲律、忽便于枕上題翠羽碧翎、王子髦、細絲絳緣、呂
公綦凡十四字、其下注云、仙人所乘二雀、皆能作人
語、疑即是青田使者、非世間凡鳥比也、至廿一日早
起、安弦又說遠行必矣、迎者三官舫、並狹小不堪住
怒之、姑令易其大者耳、其夜安弦于枕中、唱曲通宵
如此、至廿二日早起、頻呼湯沐、誠二子勿以鬼言浪
傳于世、恐人笑其荒唐、但地獄之說、汝曹不可不信
勉植善業、凡百柔讓、安公唾面自乾、千載可師也、是
日薄暮、復索紙筆、留要語示二子、及方拈筆、已落地

不能尋有頃便絕家人焚衣于庭其衣悉布製者無
端現出異花衆驚視之皆纏枝牡丹錦也斯尤異矣
安弦是宗明經懋澄內兄希言因懋澄以交善懋澄
親見其尸如蟬蛻仙人

孫陳留三應冥數

陳留令孫養正、蘇州吳江縣人、少有英才、風容美麗、
常行市上、顧影自憐、婦女多隨看之、雖潘仁衛玠、未
之過也、年十八、舉吳江縣茂才、館于鉅姓、方修舉業、
數為東牆所挑、因爾放蕩不檢、頗負輕薄之訕、時新
娶妻、生一子矣、夜宿館中、天猶未曙、忽見二皂衣人
持版來、至床頭、稱府君教喚、養正訝是郡縣大夫招

尋諾之而起、坐未定、又有胡帽長髯人直至床頭、訶
驅甚迫、養正即預臥床上、衣然如盡、其魂不覓、隨出
路過親知、告而莫應、於是出吳江城門、行可十餘里、
奄至一處、城郭宮闕高麗、都非人間、入門升階、望見
當廳貴人、儼若王者、袞冕南向、視養正而不言、養正
心知其為陰道矣、泣告無罪、王勅黃衣吏引至西廊
下、發閱罪簿、見其簿堆積于大格、縱橫可三尺許、展
之、几席皆滿、中載己身生年月日里族妻子甚詳、後
列名第官祿、字頗模糊、而其下並注蠅頭小楷、閱不
甚真、然半是生平曖昧事、慚悔無及、黃衣吏仍引之
至王所、王問有是事乎、對曰、有之、罪實不在養正也、

養正父老妻少子總稱月家事百無一了尚希寬恤
赦令自新王亦肯再三乃判十月日三字于案後
取前二卑衣人送之還推下階級須臾便活歎如夢
醒日已暮矣左右云以為郎君且死獨心下未冷耳
是時往來觀者窓戶疊跣然不敢以實語人爾後誓
戒酒色憂不自勝至其年十月十日安然無恙主人
曰夢耳曷足憑乎強持杯勸飲遂復飲如初終十月
又奇十日而聯捷癸卯甲辰科策既擢科第後謁選
得陳留縣為縣甚有聲願以修潔自勵無何疾作終
十月又奇十日而告歸二未久倉卒而逝似復有鬼
神召之者逝之日却是十月初十日也三應冥數一

一無差爲同年舉人王騰程說之

達上人入冥

蘇州東華嚴寺沙彌淨達乳名牛孫、葑門外人也。少
有戒行、萬曆甲寅正月初五夜夢在葑門俗家有人
叩戶、連呼牛孫、便飯攝去。雲昏霧暗、狼狽前行。須臾
入城、豁然宮闕、其門如雉、牆之形並畫虎頭、嚴峻無
比。上有金字榜額、帖聯類城隍廟模樣。淨達入門、跪
階下、見兩傍堆積于地者、皆麻布襪也。襪中微聞喘
息聲、似有人在、問之云、並是陽界錄來、未結公案者。
俄見朱衣貴人垂簾而坐、攝人白云、追牛孫到貴人
云、既已出家、且放去、因囑淨達曰、此去爲僧、要信心、

我為汝勾却文簿也。遂拿筆抹其名。攝人引出。且導
淨遠西行。至一處。滿堂僧衆。見其亡。過先師海潤方
倚案數錢。散與徒輩。直視淨遠云。汝安得來此。荅云。
弟子被攝。今蒙放還。偶來遊戲耳。海潤云。隔壁雍熙
寺慧蘭師。今日分家。忙甚。汝來恰好。亦分少許去。教
錢十文與之。問欲見慧蘭師乎。可進去。又經一重門。
果見師跏坐在禪床上。頭倚一竹杖。周遭壁上。挂衆
僧袈裟數十領。既出。徘徊庭亭。奄見西廊下鎖繫監
縲僧徒無數。都不相識。驚嗟良久。於是遂還。回頭却
在玄妙觀東獄廟前。忙走還寺。徧街積雪。泥滑不得
前。被攝人推仆于地而寢。後。就記榜額。貼聯與沈

顯華說傳三日、盡忘之矣、淨達自言、